

Тәрә хуралгъна нүүрлгч улс

Аргъ-чидлән әрвллго, Халь-мг танъгъчин селәнә әдл-ахун кӧдләчнрин авсн 7.000 000 пуд буудя орн-нутгтан орулдж ӧгх даалгъвриг сән дигтәгъәр цагаснь урд кӱцәлгънд нӧкд болхар „Ленинский“ совхозин тәрә хуралгънд кӧдлджәх механизатормуд икәр зӱткджәнә. Июлин 10-д эн совхозд хадгдх тәрәнә агъун 40 процентнь хадгддж одв.

Тәрә хадлгъна кӧдлмш уралан йовлгънд, эртәс цаглань механизатормуд дунд делгрӱлсн социалистическ дӧрлдән ик нӧкд болдж йовна.

„Ленинский“ совхозин механизатормудин тәрәнә хадлгънд кегддж йовх социалистическ дӧрлдәнә тӱрӱн нӱӱринь эздж комбайнерк Кагальникова Вера Николаевна йовна. Эн кӱӱкд кӱн дӧрвн ӧдрин дунд, хуртачиигтә бәәсн бийнь, 140 гектар тәрә хадв. Сәәнәр, ӧдрә зурагъан давулад кӱцәснднь совхозин дирекц ӱр Кагальникова Вераг хойр дакдж мӧнъгәр мӧрәлв.

Эн комбайнеркин сән кӧдлмшәс ӱлгӱр авад, комбайнермӱд Куликов В. Е. болн Тесленко П. Т. бас ӧдрә зурагъан давулдж кӱцәгъәд, мӧрә авцахв.

Совхозин партийн болн профсоюзн организацс тәрә хадлгънд социалистическ дӧрлдә сәәнәр делгрӱлхд ӧдр болгън онъган ӧгәд, механизатормудин авсн даалгъвран кӱцәлгъиг цаг-цаглань хәләдж, эврәннь халхас гәрдвр ӧгч бәәнә.

Я. ДЖАМБИНОВ.